



**MEMORIA XUSTIFICATIVA DO CONVENIO DE COLABORACIÓN ENTRE
A VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA E A FUNDACIÓN CENTRO
TECNOLÓXICO DO MAR (FUNDACIÓN CETMAR) NO MARCO DA
INICIATIVA DE DESENVOLVEMENTO DO SECTOR ACUÍCOLA E
PESQUEIRO ARTESANAL NA BAÍA DE SECHURA, PERÚ.**

(1) A Vicepresidencia e Consellería de Presidencia, Administracións Públicas e Xustiza, a través da Dirección Xeral de Relacións Exteriores e coa UE e da súa Subdirección Xeral de Cooperación Exterior, é o órgano da Administración autonómica que ten atribuído o exercicio das competencias en materia de cooperación para o desenvolvemento.

No mencionado ámbito material, constitúe un dos obxectivos prioritarios sectoriais é a da potenciación dos axentes de cooperación ao desenvolvemento de Galicia co fin de crear unha rede de solidariedade na nosa sociedade.

(2) Antecedentes:

A Fundación CETMAR é o socio executor de referencia para as actuacións de cooperación para o desenvolvemento en materia de pesca artesanal e acuicultura. O CETMAR leva executando actuacións de cooperación para o desenvolvemento en Centroamérica dende o ano 2006, grazas ao financiamento da Xunta de Galicia (tanto a través da Consellería do Mar, como a través da D.X. de Relacións Exteriores e coa UE) e da Axencia Española de Cooperación para o Desenvolvemento (AECID).

En febreiro de 2015 tivo lugar a sinatura dun Memorando de Entendemento Marco de Cooperación entre o Ministerio da Producción da República do Perú e a Xunta de Galicia, para colaborar na posta en marcha de proxectos e iniciativas de cooperación técnica, científica, tecnolóxica e de xestión, que deriven na mellora da xestión, produción e comercialización dos produtos pesqueiros e acuícolas, e que incrementen o desenvolvemento das poboacións costeiras, mediante a explotación racional e sostible dos recursos hidrobiolóxicos.



Tendo en conta todo o anterior, no ano 2018 encargouse á Fundación CETMAR a realización dunha Misión de Identificación no ámbito da pesca e acuicultura artesanal, na que participaran os diferentes axentes e actores con experiencia na zona e sector de intervención e no que se recolleran especificamente as demandas e necesidades de apoio técnico das institucións de goberno en Perú.

Para a realización deste proxecto, estase tramitando un Acordo Marco de Colaboración entre a Vicepresidencia e Consellería de Presidencia, Administracións Públicas e Xustiza da Xunta de Galicia e a Fundación CETMAR, a Fundación Ayuda en Acción e a Asociación Nacional de Fabricantes de Conservas de Pescados y Mariscos (ANFACO-CECOPESCA) para a posta en marcha dunha Iniciativa de Desenvolvemento do sector acuícola e pesqueiro artesanal na Baía de Sechura, Perú. Para a realización das accións que se derivan deste proxecto tramitaranse convenios coas diferentes entidades involucradas, onde se establecerán os detalles das actividades a executar por cada organización, de maneira conxunta e coordinada, e se determinen as obrigas orzamentarias de cada parte. As accións relativas a colaboración da Fundación CETMAR son o obxecto desta memoria e do convenio que a acompaña.

(3) Finalidade

A finalidade do convenio que se acompaña é a contribuír ao desenvolvemento económico e social das comunidades costeiras da Baía de Sechura, departamento de Piura, Perú, incrementando a competitividade do sector a través do fortalecemento institucional e organizacional, a transferencia tecnolóxica e a sustentabilidade ambiental.

(4) Obxecto

O obxecto deste convenio é materializar a colaboración da Fundación CETMAR no proxecto que consistirá nas seguintes actividades:

Fortalecer a coordinación interinstitucional e a participación sectorial no deseño e implementación de políticas estratéxicas para pesca artesanal e acuicultura en Sechura.

Mellorar a empregabilidade dos profesionais do sector pesqueiro e acuícola.





Introducir melloras tecnolóxicas na cadea produtiva de cuncha de abanico na Baía de Sechura

Identificar oportunidades de diversificación na baía de Sechura.

Explorar oportunidades de mellora para a xestión ambiental na Baía de Sechura.

(5) A singularidade e especificidade das actividades obxecto do proxecto, que son de claro interese público e inciden directamente no ámbito da cidadanía en xeral, a natureza específica da entidade destinataria da subvención que cumpre coas prioridades sectoriais que recolle a Lei 3/2003, do 19 de xuño, de cooperación para o desenvolvemento, así como a súa necesaria posta en marcha, xustifican que a axuda solicitada se tramite por medio dunha concesión directa a través da formalización dun convenio de colaboración.

(6) A Xunta de Galicia financiará o proxecto cunha achega total de 317.097,87 € (trescentos dezasete mil noventa e sete euros con oitenta e sete céntimos), con seguinte desglose:

Aplicación	2019	2020	2021
05.26.331A.490.0.	89.849,75	110.436,71	108.611,41
05.26.331A.790.0.	3.900,00	-	4.300
Total	93.749,75€	110.436,71€	112.911,41

A Fundación CETMAR aportará 16.926,81€ para a execución do proxecto.

(7) Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Firmado electronicamente en Santiago de Compostela

